

INICIJATIVA

za transparentan i efektivan mehanizam finansiranja organizacija civilnog društva na nivou Vijeća ministara BiH

Centar za promociju civilnog društva, zajedno sa 71 partnerskom organizacijom civilnog društva (OCD), udruženom u koaliciju „Civilni dijalog“ i drugim OCD u BiH, pokreće Inicijativu za poboljšanje postojećeg mehanizma finansiranja OCD iz budžeta Vijeća ministara BiH.

Osnovni cilj Inicijative je poboljšanje kriterija, mjerila i postupaka, koje nadležna tijela primjenjuju prilikom ugovaranja finansiranja projekata/programa OCD iz javnih izvora, te načina izvještavanja i kontrole njihovog utroška, s ciljem postizanja optimalnih rezultata i učinaka u skladu sa najboljim praksama baziranim na Metodologiji za transparentno financiranje projekata OCD prema standardima Europske unije.

Saradnja Vijeća ministara BiH sa OCD u provedbi javnih politika, očituje se kroz različite oblike finansijske i nefinansijske podrške, koju Vijeća ministara BiH pruža kroz projekte za OCD, a od interesa za opće dobro.

Polazeći od velikog potencijala kojeg pruža međusektorska saradnja u stvaranju pozitivnih promjena za održiv društveni i privredni razvoj u BiH, pokrećemo Inicijativu za poboljšanje pravnog i institucionalnog okvira za finansiranje OCD iz javnih izvora na nivou Vijeća ministara BiH.

Pozivamo Vijeće ministara BiH da se o ovoj Inicijativi očituje prijedlogom konkretnih mjera i rokova sa ciljem donošenja zvaničnog akta o načinu finansiranja OCD iz javnih izvora na nivou Vijeća ministara BiH, u konsultacijama sa zainteresiranim OCD.

Sugerišemo da konkretne mjere u izradi temeljnog dokumenta uključuju elemente Metodologije za transparentno financiranje projekata OCD prema standardima EU:

- obavezu nadležnog tijela da programira sredstava namijenjena finansiranju OCD;
- transparentnost u procesu ugovaranja finansiranja;
- jednak tretman za sve aplikante;
- sprečavanje sukoba interesa;
- kvalifikovano procjenjivanje prihvatljivosti aplikacija;
- monitoring i evaluacija projekata koji su finansirani;
- sprečavanje retroaktivnog finansiranje već provedenih aktivnosti.

U realizaciji ove inicijative spremni smo aktivno saradivati sa VM BiH i pojedinačnim ministarstvima, uz potpuno uvažavanje partnerskog odnosa, uključujući principe uzajamne odgovornosti, te nepristrasnosti i nezavisnosti OCD.